



**CONCELLO DE BOIRO**

Praza de Galicia s/n

15930 Boiro

Teléfono: 981 84 99 60

## **BASES/INFORMACIÓN**

### **CAMPAMENTO DE VERÁN BOIRO 2024**

A concellería de Educación do Concello de Boiro ofrece un servizo dirixido a nenos e nenas de 3 a 12 anos escolarizados, cós obxectivo de facilitar ás familias un recurso de conciliación con horarios flexibles axustado ás súas necesidades, e ofrecer unha alternativa lúdica, formativa e integradora de ocio e tempo libre os/as nenos/as participantes.

O que se pretende é un campamento versátil dunha forma educativa, divertida e saudable.

#### **Definición:**

As presentes bases/información teñen por obxecto establecer os criterios e o procedemento para a participación no Campamento de Verán Boiro 2024, así coma proporcionar información dos trámites e pormenores do mesmo.

#### **Descrición:**

O desenvolvemento das actividades deste campamento estará baseado en técnicas de intervención participativas e activas. Fomentarase a creatividade e os valores de respecto e solidariedade con enfoques non sexistas. As actividades deberán ser planificadas segundo as idades e necesidades socio-educativas que pola súa natureza así se requiran.

#### **Lugar de Realización, Calendario e Horario:**

Lugar: As actividades do campamento de verán terán lugar preferentemente nas seguintes instalacións:

CEIP Santa Baia de Boiro - CEIP de Abanqueiro – Centro Social de Cabo de Cruz – CEIP de Cespón

\*Os lugares de realización poderán verse modificados, se non se acada un mínimo de participantes. As persoas afectadas disporán da súa praza noutro dos lugares dispoñibles.

Calendario: Os programas desenvolverase (agás sábados, domingos e festivos) do 1 de xullo ao 30 de agosto do 2024.

Horarios: O servizo levarase a cabo: de 8.00 a 14.00h, de 9.00 h a 14.00 h ou de 10.00 a 14.00h (a elixir un)

Pasado o tempo de recollida, se non se acode a buscar ao menor e non dispoñemos de noticias ao respecto, chamarase ao organismo público correspondente.

**Os horarios elixidos de entrada non poderán ser modificados polos participantes.**

#### **Asistencia:**

A asistencia diaria ao programa será obrigatoria, só se admitirán 3 faltas sen xustificación/mes.

No caso da existencia de máis faltas a organización valorará os casos e circunstancias que se consideren de forza maior.

#### **Nº de prazas:**

Ofertaranse as seguintes prazas para crianzas de 3 a 12 anos (cumpridos e escolarizados).

220 prazas a repartir entre:

CEIP Santa Baia de Boiro - CEIP de Abanqueiro - Centro Social Cabo de Cruz – CEIP de Cespón



No caso de que haxa máis participantes inscritos que prazas, priorizaranse os seguintes **CRITERIOS DE SELECCIÓN**:

1º.- Primará a asistencia de dous meses sobre un (4 puntos)

2º.- Estar empadroados no Concello de Boiro: Este criterio xustifícase coa autorización de consulta no padrón municipal. (3 puntos)

3º.- Orde de entrada da solicitude. Queda certificada de forma automática co rexistro de entrada (2 puntos)

4º.- Ocupación laboral dos proxenitores/ ou titores legais: Este criterio xustificarase con copia do contrato laboral ou certificado da empresa onde se especifique a xornada laboral – días e horarios-. No caso de que se dean circunstanciais especiais de que dentro da unidade familiar, os seus membros non puideran coidar dos/as nenos/as, terase tamén en conta: Este criterio debe xustificarse cun informe de Servizos Sociais ou informe médico (1 punto). **Esta documentación só será requirida si se dera o caso.**

Pola contra, se non se acada o grupo mínimo o/os campamentos poden ser cancelados.

**Custo:**

*As tarifas por usuario/a serán as seguintes:*

. 150€ mes/300€ dous meses para horario de 8.00 h. a 14.00 h.

.130€ mes/260 € dous meses para horario de 9.00 h. a 14.00 h.

.110€ mes/220 € dous meses para horario de 10.00 h. a 14.00 h.

Desconto do 50% segunda/o irmá/irmán e sucesivos (Exemplo: 1º irmá/irmán 150€ mes + 2º irmá/irmán 75€ + 3º irmá/irmán 75€ = 300€) para horario de 8.00 a 14.00h)

Desconto do 80% persoas en exclusión social, (Exemplo, 30€ mes ou 60€ dous mes por participante

para horario de 8.00 a 14.00h)

Ás persoas en exclusión social deberán presentar certificado de Servizos Sociais ou certificado da autoridade pertinente xunto có recibo de pago.

**Modelo de pago:** Proponse que o/a usuario/a faga o pago nas entidades bancarias indicadas no impreso de autoliquidación que está no portal tributario da páxina web do Concello. Igualmente poderase pagar con tarxeta bancaria na Casa da Cultura de Boiro de 9:00 a 12.00h.

**Importante.** Así mesmo, unha vez feito o ingreso o/a usuario/a deberá entregar unha copia da autoliquidación selada polo banco ou a autoliquidación xunto có recibo bancario (se o pago se efectuase a través de banca electrónica), momento, no que se fará efectiva a inscrición.

Deberán entregar os xustificantes na:

. Casa da Cultura de Boiro R.M.L.

**Que teño que levar ao campamento:**

As/os nenas/nenos deben asistir con calzado deportivo, roupa cómoda ou deportiva, mandilón (se se estima oportuno) e a merenda (froita, bocadillo, auga... Recoméndase que aínda que lle poñan bebidas azucradas que leven tamén auga).



### **Monitorado:**

Contrataranse monitores/as e un/ha coordinador/a do campamento, que serán os responsables de organizar, supervisar e levar a cabo as actividades do mesmo. Estes monitores serán persoas tituladas, formadas para levar a cabo estas actividades. Teremos 1 monitor/a de apoio por grupo si se dese o caso de que participen nenos/nenas con necesidades especiais. En ningún caso este monitor/a se pode contemplar como de atención específica ou particular para a cada unha das/dos nenas/nenos con necesidades.

### **Inscripción e Requisitos**

Prazo de inscrición: do 9 ao 23 de maio do 2024

Publicación de listas provisional de admitidos: 28 de maio do 2024

Reclamacións: dende a publicación das listas o día 28 ao 31 de maio inclusive, ata as 13.00h.

Listado definitivo: 4 de xuño do 2024

Pago: dende a publicación dos listados definitivos do 4 ao 10 de xuño ás 12.00h.

#### Requisitos:

1.- Debe recoller os impresos de prescrición na Casa da Cultura R.M.L. de Boiro (Telf.:981 84 84 25) ou baixalos da web municipal boiro.gal

2.- Unha vez cubertos debe presentalos, xunto coa documentación xustificativa, no rexistro do Concello de Boiro (ben de forma telemática ou presencial) a: A/A Departamento de Educación 605

3.- Unha vez rematado o prazo de admisión, procederase á publicación da **lista provisional** de admitidos/as na web municipal. No caso de **reclamacións** deberán ser tramitadas, vía rexistro, nos tres días seguintes a dita publicación. Pasado o período de reclamación procederase á publicación da **lista definitiva** de admitidos/as.

4.- Pago de tarifa: se vostede está admitido/a debe proceder ao pago das taxas nos catro días hábiles seguintes á publicación da lista definitiva de admitidos.

. Debe cubrir o impreso de autoliquidación a través da sede electrónica do Concello de Boiro – Portal Tributario. (na web boiro.gal ten un documento de instrucións) Unha vez feito, debe aboar a tarifa correspondente ben:

. A través da sede electrónica con tarxeta bancaria

. Na Casa da Cultura con tarxeta bancaria en horario de 9.00 a 12.00h ou

. Facer o pago nunha oficina bancaria. Para esta modalidade debe imprimir as tres copias do impreso de autoliquidación (1 para o banco, outra para vostede e outra para entregar á administración) que debe selar o banco.

. Unha vez efectuado o pago, debe achegar o impreso de autoliquidación asinado/selado pola entidade bancaria ou autoliquidación xunto có recibo de pago se este se fixo con tarxeta bancaria, na Casa da Cultura R.M. L. en horario de 9.00h a 14.00h.de luns a venres.

Lembre que si vostede non entregou o xustificante de pago no prazo estipulado perderá a súa praza.

**NOTA ACLARATORIA:** unha vez rematado o proceso de inscrición, pago incluído, vostede pasará a estar oficialmente inscrito no campamento no que se inscribiu. Así mesmo no campamento de Verán non se procederá á devolución das taxas pagadas salvo nos casos de defunción ou hospitalización.